

CENTRALNA BANKA
BOSNE I HERCEGOVINE
Broj: UV-150-01-1-108/18 ŽB
Sarajevo, 14. 12. 2018. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), a u vezi s odredbama Pravilnika o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH, broj: 66/16), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 15. sjednici od 14. decembra 2018. godine, donosi

O D L U K U

o izboru najpovoljnijeg ponuđača u postupku javne nabavke usluga izrade novčanica KM

Član 1.

- (1) Centralna banka Bosne i Hercegovine (u daljnjem tekstu: Centralna banka), ugovor za nabavku usluga izrade novčanica KM dodjeljuje ponuđaču OBERTHUR FIDUCIAIRE SAS, Republika Francuska.
- (2) Postupak javne nabavke iz stava (1) ovog člana proveden je u skladu s Pravilnikom o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH broj: 66/16).

Član 2.

- (1) Ponuda ponuđača iz člana 1. ove odluke, glasi na iznos od

4 329 281,00 EUR

(slovima: četirimilionatristotinedvadesetdevethiljadadvijestotinosamdesetjedan euro i 00/100)

- (2) Zadužuje se Odjeljenje za bankarstvo Centralnog ureda Centralne banke Bosne i Hercegovine da, u skladu s uslovima iz ugovora koji će se zaključiti na osnovu Zakona o javnim nabavkama, izvrši plaćanje dobavljaču na račun koji naznači na fakturi.

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti ugovor, za čije se izvršenje zadužuje Odjeljenje trezora Centralnog ureda Centralne banke Bosne i Hercegovine.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

Član 6.

Ova odluka, kao i Obavijest o rezultatima postupka, će se objaviti na web stranici Centralne banke www.cbbh.ba istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga izrade novčanica KM pokrenut je Odlukom broj: UV-150-01-1-60/18 ŽB od 26. jula 2018. godine.

U skladu s članom 8. stav (1) Zakona o javnim nabavkama (Službeni glasnik BiH, 39/14) i članom 7. stav (3) i (4) Pravilnika o postupku dodjele ugovora o uslugama iz Aneksa II Dio B Zakona o javnim nabavkama

(Službeni glasnik BiH, broj: 66/16), Centralna banka je 5. septembra 2018. godine na web stranici www.cbbh.ba objavila Poziv za dostavljanje ponuda za prvu fazu – fazu pretkvalifikacije, broj: 150-07-1-1976-5/18 te ga uputila na tri adrese.

U predviđenom roku za dostavljanje ponuda, blagovremeno su dostavljene dvije ponude, ponuđača GIESECKE+DEVRIENT CURRENCY TECHNOLOGY GmbH, Savezna Republika Njemačka i OBERTHUR FIDUCIAIRE SAS, Republika Francuska.

Komisija nadležna za provođenje postupka javne nabavke je izvršila pregled i ocjenu pristiglih ponuda i u Zapisniku o pregledu i ocjeni dokumentacije, broj: 149-07-1-2437-5/18 od 27. septembra 2018. godine zaključila da obje pristigle ponude ispunjavaju sve kvalifikacijske uslove tražene u ranije navedenom pozivu te je dala preporuku da se može pristupiti drugoj fazi postupka.

U skladu s preporukom komisije, Odjeljenje za javne nabavke je izradilo Poziv za dostavljanje ponuda za drugu fazu – fazu dostavljanja početnih ponuda i pregovaranja, broj: 150-07-1-1976-10/18 od 25. oktobra 2018. godine te ga dostavilo kvalificiranim ponuđačima iz prve faze postupka.

U predviđenom roku za dostavljanje ponuda blagovremeno je dostavljena jedna ponuda, ponuđača OBERTHUR FIDUCIAIRE SAS, Republika Francuska.

Komisija je 19. novembra 2018. godine izvršila pregled dostavljene ponude, utvrdila da je ponuđač dostavio traženu dokumentaciju za učešće u drugoj fazi postupka te zakazala pregovore s ponuđačem za 20. novembra 2018. godine u 10.00 sati. Pregovori su vođeni na način da je ponuđač odgovarao na unaprijed pripremljena pitanja Komisije, vezana za način izvršenja usluge i popust na početnu cijenu ponude, što je i navedeno u Zapisniku s pregovora, broj: 149-07-1-2437-7/18. Početna cijena ponude je iznosila 4 415 867,00 EUR, a na pregovorima je ponuđač ponudio popust na početnu cijenu u iznosu od 86 586,00 EUR, tako da konačna cijena ponude iznosi 4 329 281,00 EUR. Nakon završetka pregovora, Komisija je Zapisnikom o pregledu i ocjeni konačnih ponuda, broj: 149-07-1-2437-9/18 i Izvještajem o radu s preporukom, broj: 149-07-1-2437-10/18, oba od 20. novembra 2018. godine, dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER
dr. Senad Softić



Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenju trezora;
- Odjeljenju za bankarstvo;
- Odjeljenju za računovodstvo i finansije;
- Odjeljenju za javne nabavke;
- u spis predmeta;